

san duurunan - nimòrò 54
 uti kalo - san 1976

bp 24
bamakò
mall

dòròmè 4 - ccp : 0155

Kibaru

a bè bò kalo o kalo, faso ka kibarudiso ka yamaruya kònò

mali ka yèrèmahòrònya seli surunyana

sètanburu kalo tile 22, san 1976, o ye don ye, ni malidenw bée ka kan k'u labèn k'a makònò.

sètanburu kalo tile 22, san 1960, malidenw hòrònyana, jònya minsigi bòra an kun, kun masuli jòlòkò ti-gèra ka bò an kan na, niginagasa tòorò bòra an sen na. kilomètèrè kònò 1 204 000 kèra an halala ye, niw dahara, nyèw saniyara, hamiw

kèra kelen ye. badenya, sinjiya, kelenya ni nyògòndémè tile bòra.

o sanyèlèma seli tan ni wòorònan de bèna kè sètanburu kalo nata tile 22. san 16 tè tile 16 ye, wa kalo 16 fana tè. hèrè ni hèrè tana caman kèra san 16 in kònò, ja belebele min kèra kosa in na an ka jamana kònò, o bè hakiliw jakabòlan bò. cèsiri ni timinandiya minw kèra komité mili-

tèri fè, walasa an danbew ka to a cogo la, o ma dogo jamanaden si la.

o de kòsòn nyinan, k'a ta kayi fo ka t'a bila gawo, mali ka yèrèmasò-rò seli tan ni wòorònan na kè an fè, fo a ka lakali. o ye jamana nyèmò-gòw hami ye, o ye malidenw sago ye.

yanni o cè sa, n'balimaw, ne bè a fò : aw ni labèn. seyidu ture

musow ka donba

tarafinna musow kà tònba sanyèlèma seli tan ni naaninan kèra gintamba ye mali fan bée kònò, ka a ta kayi, bamakò, sikaso, segu, moti, fo gawo. musow y'u se ko bée kè, walasa nin donba in ka kè ni sèbè ye, ani hakili ni taasi konyuman.

k'a ta san 1962 la, zuluye kalo tile 31, fo nyinan san 1976 zuluye kalo tile 31, farafinna musow cèsirilen don u balimakèw kèrè fè, ka farafinna ka hòrònyana an'á danbew n'a kelenya sabati sira bée fè.

o de kòsòn, fatu tali, ni ale de ye mali musow ka tònba ka sèbèn nyè-nabòbaga ye, a ye kuma ta ka foli kè farafinna musow, bée ye, ani an balimamusow minw bòra irisi la ani yòrò wèrèw, ka na kelenya ni badenya ni teriya juru sinsi an ka jamana musow fè nin seli in na.

a y'a nyini mali musow fè, nin seli in ka kè sababu ye, u ka dò fara taasiw kan, an'u ka baaraw, an'u ka timinandiya, walasa an faso danbew ka kòròta ka taa nyè don o don.

a y'a ka kuma kuncè ni dugaw ye,, n'o de ye : ala ka mali taa nyè, ala ka musow bén, ala ka dinyè kè hèrè ni lafiya so ye.



jèkafò ye daamu ye

komité militèri ham. ye min ye, mali jamana danbew bée ka hèrè sòrò bén ni kelenya kònò. o hèrèw tè se ka sabati bée lajèlen ye, ni jamana sòròdaw ma yiriwa. o de kòsòn, komité militèri ye mògòw sugandi, ka olu kè a nyè n'a tulow ye jamana sòròdaw la, u ni o baarada mògòw ka nyògòn kumanyògònna u ka baara yòròw kan.


o jèkafò kèra yetinankolonèliw fè, ni olu ye yusufu tarawele, zozèfu mara, filifèn sisoko ani misa kònè, n'olu bée ye komité militèri mògòw ye.

u wulila ka mali seleke naani bée

taama. jamana baaradaw minw sigilèn bè jamana danbew kà lafiya kòsòn, nka n'olu nafaw dògòyalen bè bi, u ni olu ye nyògòn kumanyògònna, badenya ani kelenya kònò. o kumanyògònna kèra gèlèyaw kan, n'u ye o sòrò u ka baarada ninw na, ani ka fèerèw tigè, minw bè se ka kè sababu ye ka baarada ninw bò u ka gèlèyaw kònò, k'u yiriwa, u nafa ka bonya ka jamana labò. o ye fèn ye, ni bée ka kan ka ham. n'a ye, bawo mali tè se ka kè fosi ye, ni malidenw yèrè m'a kè min ye.

jidòn, jiridòn, sodòn, yèrèdòn nyògòn si tè. seyidu ture



bamako jumamisiriba



madinè alimami



karamògò shèki abidèli azizi
ibùn sahèli filè nin ye, ni o ye
madinè alimami ye.

a nana karbò madinè, bamakò
jumamisiriba ka dayèlè a nyè
na, san 1976, zuluye kalo tile
30.




o don kelen, mögò baa biduuru nyögòn jèra, ka gla

dayèlèla silamèw ye



bamakò alimami

bamakò alimami filè. a ni mali silamè bèe nisondiyara, bamakò jumamisiriba jò kò in na. nin baara nyuman kèra makàn jamana fè. dakabana misiri min jòlen filè nin ye bamakò, o nydgòn ka dögò farafinna.



utala batò misiri kùra in kònò, madinè alimamiba kò fè.

bamakò jumamisiriba dayèlèla silamèw ye

juma don sògòma, zułuye kalo tile 30, san 1976; an ka jamana kuntigi, ni o ye kolonèli musa tarawele ye, ani madinè alimami, n'o ye an karamògò shèki abidèli azizi ibun saléhi ye, ani silamè caman minw bòra kòdiwari, òtiwalita, lagine, senegali an'an ka jamana erezòn kelenkelen bée la, u ye nyögòn kafo misiri kura da la, ka a dayèlè, ka a yamaruya silamèw ye.

o don kelen, mògò baa bidúuru nyögòn jèra, ka alahutala bato misiri kura in kònò, madinè alimamiba kò fè.

nin baara nyuman kèra makan jamana fè, ka kè bonya ye mali silamèw ye.

misiriba in jòlen bè bagadaji kèneba yòrò min kan, o bè bèn mètèrè kònò baa tan ni fila ani kèmè duuru ma : so yèrè jòlen bè mètèrè kònò baa wolonwula kan. a du kènè ani

nakòw fènsèlen bè mètèrè kònò baa duuru ni kèmè duuru kan.

misiri in tilalen bè yòrò saba ye, a fòlò ye don gansanw seli yòrò ye, a tò fila kèrènkèrènnèn don juma donw ni seli donw ye. o tèmènnèn kò, sankanso kelen fana kèrènkèrènnèn don mumini musomanw ye.

misiri in jò kundama ye mètèrè tan ni saba ye. muradu fila b'a la, minw kelen kelen janya ye mètèrè binaani ni duuru ye. mògò baa mugan ni fila bè seli a kònò. kuma jènsènnanw kèmè ni biwòrò ni wòrò b'a kònò, ani finyèdiluw kèmè ni biwòlonwula ni wolonwula.

kalo mugan ni fila, baarakèla cè kèmè duuru ani ènzeniyèri cè naani ye baara kè su ni tile ka misiri in jò.. dòròmè 420 000 000 de kèra sababu ye ka mali silamèw sòn nìr dakabana misiri in na, min nyögòn ka dògò farafinna.

ka bò sebekòrò

farajèw ko : ni mògò min ka kumakan tè se ka sèbèn, ko o ye kuma salen ye. wa, anw ka kumakan, a balora sisan, i komi kan tòw minw sèbènnèn don cogo min.

an y'a dòn fana, lasigiden o lasigiden, n'a b'a ka sèbèn di peresidan ma, ni a tè tubabukan mèn, a bè a daminè ni a yèrè ka faso kan ye, ka sòrò, a tòw k'a fò wali kan na. o bè a jira ko a fana ka kan balotèn don..

nsana dò filè, ko : mògò tè i ka sènèkèdaba kòrò fili, k'a sòrò, numukè ma tila daba kura la. ni kalan taara nyè fè, a si na dòn.

bubakari si

kuma kòròma

ne ye ne ka nyò kisè kelen bila ba la, o ye ba fa, fo ka bò kènèma. o ye jumèn ye ? sakube jara biyanso.

ni i birankè ye shè di i ma, ko i kana a bila tile la, ko i kana a bila suma la, e b'a kè cogo di ?

kòorisènèlaw:

sinyè kelen walì sinyè fila
tè kòori furakèli bò.

kòori ka kan ka furakè
sinyè duuru nyögòn na,
n'an b'a fè
furakèli ninw ka nafa nyè.

**kòori furakèli bè daminè
a feere fòlòw bò tuma.
n'o kèra,
tile 15 o tile 15,
sinyè kelen bè kè.**

saya tè tògò dun

kunun tèmènnà, bi sera.
dugukolo kòngòra, kaburu fara.
ta siw kunayara.
danbew dògòyara.
e, hadamadenw, bi ma dinyè da.
bitòn, segukòrò disiba,
babènba, sikaso dankelen,
samori, wasulu cèba,
jose, bélèdugu kankelen,
aw ye dinyè ta a kuncè ma,
k'a bara foro, k'a fini foro,
k'a funun, k'èkötè, k'a kòròcè,
k'a nyòngiri aw kòrò, i ko sungurun sin.

farafinna dankelenw, aw bè min ?
ntura kelen sinsanfaw, aw bè min ?
fadenw kuncèla sumuni, aw bè min ?
yanabugu yana kamalenw, aw bè min ?
aw sara, nka aw ma malo.
aw ma jè tinyè, aw ma jèjanjè tinyè.
aw ni tògò, aw ni bonya,
bawo, kè ko de ye ye ko ye,
wa, ye ko de ye fò ko ye.